

Երկու դար անցել էր Արծրունեաց թագաւորութեան հիմնուելուց յետոյ, մէկ դար անցել էր Արծրունեաց թագաւորութեան վերջանալուց յետոյ, երբ Աղթամարը մի հակաթոռ արթունիքից դարձաւ մի արթեպիսկոպոսի հակաթոռ կաթողիկոսարան: Պատերազմների համար զինոորոած կղզին արեւոյայի սքեմ զգեցաւ: Գագիկը, ապստամբելով Բագրատունիների դէմ, այստեղ թագաւորութիւն հիմնեց, իսկ Դաւիթը, ապստամբելով Կիլիկիայի վեհարանի դէմ, այստեղ կաթողիկոսութիւն հիմնեց: Առաջինը ոչնչացաւ, իսկ երկրորդը մնաց:

Աղթամարը տրամադրում է դէպի ապստամբութիւն: Նրա ծովը, շրջակայ լեռները եւ անտառները ազատութիւն են սիրում:

Աղթամարայ տաճարի մէջն էին պահուում ս. Գրիգոր Լուսաւորչի սրբութեան սեղանը, նրա հայրապետական քօղն ու գաւազանը եւ նրա մաշկեղէն գօտին: Աղթամարայ տաճարի մէջն էր պահուում եւ նրա սուրբ աջը: Այստեղ էր գտնուում նաեւ ս. Ջիւլիանի կոյսի հողաթափների մի հատը եւ նրա գլխի շղարշը:

Այն աղետալի ժամանակներում, երբ հայոց կաթողիկոսարանները, թէ Կիլիկիայում եւ թէ Արարատեան նահանգում, օտարագգի իշխանների ձեռքում վաճառքի նիւթ էին դարձել, Աղթամարայ արթեպիսկոպոս Դաւիթը, իր կողմը գրաւելով տեղային իշխանին եւ հինգ եպիսկոպոսներ, նրանց ձեռքով կաթողիկոս ձեռնադրոեցաւ: Նա գրաւեց եւ իր թիմի ժողովրդի մոլեռանդութիւնը, այն առարկութեամբ, թէ վերոյիշեալ սրբութիւնները նրա վանքումն են գտնուում, եւ այդ պատճառով նրան է վայելում կաթողիկոսութիւնը: Թէեւ Կիլիկիայի այդ ժամանակոյ մանկահասակ, բայց շնորհալի կաթողիկոսը, քսանամեայ Գրիգոր Պահլաւունին, կազմեց Սեաւ լեռան ժողովը, որ բաղկացած էր երկու հազար եւ հինգ հարիւր հոգեւորականներից, որոնք միաձայն Աղթամարայ կաթողիկոսութեանը նզովքի տակ դրին եւ այնտեղ պահուած սրբութիւնները օգնեցին Դաւթին մնալ իբրեւ կաթողիկոս, եւ նրա հիմնած կաթողիկոսութիւնը տեւեց մինչեւ մեր օրերը:

Ոչ մի հնարքով չկարողացան ոչնչացնել այդ կաթողիկոսութիւնը: Մինչեւ անգամ ս. Գրիգոր Լուսաւորչի աջը, նրա գաւազանը, նրա հայրապետական քօղը Աղթամարայ վանքից գողանալ տոհին եւ Կիլիկիա տարան, որ թուլացնեն տեղային կաթողիկոսի զօրութիւնը, բայց այդ եւս չօգնեց:

Ես բոլորովին այլ կարծիք ունեի Աղթամարայ մասին: Այդ վանքը գալու ժամանակ՝ ես միշտ երեւակայում էի, թէ պիտի տեսնեմ Կտուց անապատի երկրորդ օրինակը, մի վանք, որտեղ աշխարհից անջատուած արեղաները անձնատուր են եղած միմիայն ճգնութեան եւ աղօթքի: Այդ էր պատճառը,